



Kattusseqatigiit Partiiat

Januar 2011

UPA 2011/59

Inatsisartut suleriaasiata § 36-ia naapertorlugu matumuuna nassiuppara apeqquteqaat aallaavigalugu oqallinnissamut siunnersuut:

Inuiaqatigiinni ataqatigiinnerup pilersinneqaqqinnissaa qanoq ililluni qulak-keerneqarsinnaanera pillugu oqallinnissannik siunnersuut
(Inatsisartunut ilaasorta Knud Fleischer, Kattusseqatigiit Partiiat)

Tungavilersuutit:

Inuiaqatigiinni ataqatigiinnerup pilersinneqaqqissinnaanera pillungu oqallinnissamik saqqummiussinut peqqutaasut ilangaat isumaqarama maannakkut nunatsinni eqqarsartaaseq qangaaniit pingisimasarpur qimakkiartuaalersimangippur, tassalu inuttut immitsinnut susassareqatingiineq.

Nalunngilarpummi ullumikkut inooriaaseq siusinnerusumut sanilliullungu allanngorsimaqisoq, Kalaallit ilisarnaatingisarsimasaat, tassalu imminnut ikioqatingiineq, susassareqatigiinneq maannakkut annerusumik takussaajunnaariartulersimavoq, soorunami taamatut oqarninnut aamma eqqarsaatingaara tassani aamma illoqarfimmi imaluunniit nunaqarfimmi sumiissuseq apeqqutaasoq.

Ullumikkut takornartaajunnaarsimavoq, inuit akornitsinni imminuinaq eqqarsaatingiineq annertunerulersimasoq, imatut paasillungu ineriartonerup ingerlaneqarnerata siuariartornera sukkangaarmat allaat immaqa malinnaaniarnermut, inoqatitsinnu qiviarsinnaanerput killeqalersimansoq apeqquserusunnarpoq.

Ilaatingut isumaqarpungut inunnik isinginneriaatsimik allangortitsinissamut makkua aallaavingineqarsinnaasut: Uanga nunaga, uanga piga, uanga pisussaaffiga, uangalu akisussaaffiga kiffartuutassaralu, taamaattumillu sulineq ingerlattariaqarlerpara utaqqiinnarunnaarlunga, nunama utaqqinaviangimmanga, taannalu innuttaaqatitsinnut paasinartumik aammalu qanorluunniit oqimaassinnaatigissagaluarpat suliarisariaqarparput.

Qupperneq 1/2

UPA 2011/59

J.nr. 01.25.01/11UPA-00059

Taamaattumik isumaqarpungut periutsit suut atorlungit inuit taamatut
eqqasalersinneqarsinnaaneri anguniarlungit politikikkullu suliniutit qanoq ittut
ingerlanneqarnissai eqqartortariaqaripput.

Kattusseqatigiit Partiianiit isumaqarpungut inunnik isinginneriaatsip
allanngortinneqarnissaannut atatillungu illoqarfinnut nunaqarfinnullu innuttaasunik
paasitisiaasarnerit akulikinnerusut ingerlanneqartartuuppata, aamma siunissamut
iluaqutaallunilu aqqutissaasinnaasoq.

Taamatut oqallisissiamik saqqummiussaqaarlunga torersumik oqallilluarnissassinnik
kissaallusi Kattusseqatigiit Partiat sinnerlungu saqqummiussivunga.